

11.09.2012.godine

**POSJETA ČLANOVA UPRAVNOG ODBORA I STRUČNE SLUŽBE SAVEZA
POLJOPRIVREDNIH UDRUŽENJA KONJIC,
NORVEŠKOJ OPĆINI SUND**

U periodu od 01 – 08 septembra 2012 godine, članovi stručne službe Saveza poljoprivrednih udruženja Konjic bili su u posjeti Norveškoj. U sklopu posjete bili su u općini Sund, na poljoprivrednom institutu „BIO FORSK”, poljoprivrednim farmama kao i na sajmu hrane u Bergenu



Cilj posjete je bio između ostalog i da članovi stručne službe Saveza prezentiraju urađeno iz plana razvoja poljoprivrede na području općine Konjic 2011 – 2016 godina koji je prvi put prezentiran pred Norveškom delegacijom u februaru mjesecu 2011 godine.

U sklopu ove prezentacije, članovi Saveza su prezentirali i projekte „Opstanak šljive požegače“ kao i projekat iz sektora ljekovitog bilja, koji su od velikog značaja, za općinu Konjic. Pored ovih projekata članovi su pomenuli i prezentirali jedan dio projekata koje je Savez poljoprivrednih Udruženja Konjic uradio zajedno sa općinom Konjic, koja je sve to finansijski pomogla.

Još jedan od ciljeva posjete je bio je da se članovi stručne službe Saveza upoznaju sa načinom poljoprivredne proizvodnje u ovoj državi, zaštitom domaće proizvodnje, te promocijom i marketingom poljoprivrednih proizvoda u Norveškoj.

U toku posjete izvršen je obilazak farmi za proizvodnju mlijeka i mesa, plantaže za proizvodnju ljekovitog bilja te plantaže za proizvodnju voća i povrća, gde su ujedno smještene i mašine za sortiranje, pakovanje i etiketiranje proizvoda.



Kao što je planom predviđeno, članovi Stručne službe Saveza posjetili su poljoprivredni institut „BIO FORSK”, gdje su imali priliku vidjeti najsavremenije laboratorije za analizu kvaliteta poljoprivrednih proizvoda.



U toku posjete članovi Stručne službe Saveza obišli su i festival hrane u Bergenu, koji se održao u periodu od 07 – 09 septembra.

